



Broj: 10-37- 9791-3 /17
Sarajevo, 15.05.2017.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničku inicijativu

Zastupnik Zvonko Marić je na 26. Radnoj sjednici Skupštine Kantona Sarajevo održanoj 22.3.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, prema Ministarstvu zdravstva pokrenuo sljedeću zastupničku inicijativu:

„S obzirom da u Sarajevu postoji između 4 i 5 hiljada oboljelih od reumatoidnog artritisa molim Ministarstvo zdravstva KS da iznađe modus kako bi se pomoglo oboljelim pacijentima da dobiju biološke lijekove koji su prisutni na farmaceutskom tržištu već 15 godina“.

U vezi sa pokrenutom zastupničkom inicijativom, Ministarstvo zdravstva dostavlja sljedeći

O D G O V O R

Ministarstvo zdravstva Kantona Sarajevo podržava dostavljenu inicijativu i insistira da se osigura posebni program kojim bi se osiguranicima Kantona Sarajevo obezbijedila biološka terapija za liječenje ovog teškog oboljenja. U tom cilju, tokom 2016.godine Ministarstvo zdravstva Kantona Sarajevo je iniciralo uvođenje biološke terapije u liječenje reumatoidnog artritisa na način da se Finansijskim planom Zavoda zdravstvenog osiguranja Kantona Sarajevo za 2017.godinu osiguraju posebna sredstva za provođenje ovog programa, te da se utvrde kriteriji za uvođenje pacijenata u pomenuti program, praćenje efekata lijeka, a u skladu sa sredstvima namjenjnim za liječenje reumatoidnog artritisa.

Navedena zastupnička inicijativa je dostavljena Zavodu zdravstvenog osiguranja Kantona Sarajevo koji priprema protokole o obezbjeđivanju i finansiranju posebnih programa na teret sredstava obaveznog osiguranja za 2017.godinu. Odgovor koji smo dobili od pomenutog Zavoda vam dostavljamo u prilogu ovog akta.

Smatramo potrebnim pojasniti da je Protokol po osnovu predloženog novog posebnog programa koji se odnosi na liječenje Reumatoidnog artritisa, izuzetno teškog oboljenja koje stvara invalidnost, a samim tim i nemogućnost oboljeloj osobi da obavlja svakodnevne i jednostavne poslove, koji cijenimo značajnim i opravdanim, nismo potpisali iz sljedećih razloga:

Protokolom je predložen samo jedan lijek iz grupe TNF –alfa inhibitora i to infliksimab prašak za koncentrat za rastvor za infuziju 100 mg/1 bočica pod zaštićenim nazivom Inflektra od



proizvođača Hospira UK Limited, a isti lijek, oblik, jačina i pakovanje i sa istim indikacionim područjem je registrovan na području BiH od strane Agencije za lijekove i medicinska sredstva BiH od proizvođača: MERCK SHARP & DOHME BV, Nizozemska-pod nazivom Remicade i CELLTRION Inc., Republika Koreja pod nazivom Remsima. Mišljenja smo da preferiranje samo jednog proizvođača spriječava konkurentnost i može izazvati veće troškove usljed monopola cijene, kao i pojavu deficitarnosti lijeka.

Nadalje, pored TNF-alfa inhibitora u liječenju reumatoidnog artritisa su predviđeni lijekovi i iz grupe Selektivnih imunosupresiva i Inhibitora interleukina.

Mišljenja smo da biološku terapiju treba sprovesti prema smjernicama The European League Against Rheumatism-EULAR i American College of Rheumatology-ACR sa sljedećim lijekovima:

- Anti TNF alfa; Adalimumab Etanercept, Infliximab i Golimumab
- Inhibitori IL-6: Tocilizumab
- Inhibitor CD 20 antigena: Rituximab

Institut za bolesti srca-Klinika za kardiologiju treba da sačini stručno metodološko uputstvo kojim će se definisati kriteriji za uključivanje pacijenata za navedene lijekove, s obzirom da su finansijska sredstva ograničena i da se neće moći ovim programom uključiti svi oboljeli. Stručno metodološko uputstvo mora sadržavati kriterije za uvrštavanje lijeka, cijenu koštanja liječenja po osiguraniku i ukupnu cijenu, način praćenja efekata liječenja u vremenskim intervalima, način izvještavanja, kriterije za prekid terapije.

Stručno metodološko uputstvo treba donijeti prije potpisivanja Protokola iz razloga nesrazmjera planiranih ograničenih sredstava i većeg broja oboljelih.

Stanovišta smo da treba uputiti zahtjev i drugim proizvođačima lijekova za liječenje reumatoidnog artritisa sa upitom o uslovima za snabdjevanje osiguranika Kantona Sarajevo, te na osnovu dobijenih ponuda definisati jasan stav o lijekovima koji se uključuju.

S poštovanjem,



█

